

Служба преподобному Серафиму Саровскому и всёя России чудотворцу

(1 августа н.ст.)

Блажён муж: на Господи, возвах: стихиры на 8, повторяюще первую и вторую, глас 1.

О, преславное чудо,/ подвижник благочестия в Сарове является/ и молитвенник к Богу тёплый/ Серафим пречудный нам бывает;/ веселися, обитель Саровская,/ имущи в себе мощи преподобного;/ выиграйте, православных множества,/ предивного Серафима имуще в бедах заступника и вопиюще к нему:/ радуйся, светильниче Россійския земли,/ тьмы сопротивных далече отревай/ и Господеву молися/ даровати душам нашим мир и велию милость.

О, дивное чудо,/ се бо воистинну во обители Саровстей/ благочестия столп непоколебимый -/ Серафим блаженный является нам,/ темже, Богомудрых собори,/ на высоту духом возноситеся,/ к преподобному вопиюще:/ преподобне отче Серафиме,/ Господеву молися/ даровати душам нашим мир и велию милость.

Дивны Твоя тайны, Христё Боже,/ яко даровал еси нам светильника, преподобного Серафима,/ верным людем на сопротивныя крепкого поборника,/ иноком и всем православным христианом молитвенника,/ святёй обители похвалу и утверждение;/ той и ныне молит Тя Господи,/ даровати душам нашим мир и велию милость,

Егда вошел еси, преподобне, в пустыню Саровскую,/ тогда, своея воли до конца совлёкся,/ твёрдое ко всем послушание показал еси:/ досады бо и безчестия претерпел еси, радуйся,/ ударения и раны от злых человек приял еси,/ о нихже и молился еси, преподобне./ Мы же, прославляюще пречестную память твою,/ молим ти ся, преподобне:/ Господеву молися/ мир мiрову даровати/ и душам нашим велию милость.

Блаженна обитель Саровская,/ имущи тебе, преподобне отче Серафиме,/ добродетелей сокровище, сосуд чистоты,/ целомудрия хранителя, приятелище благодати,/ источник исцелений, болящим врача безмездна,/ постника истинна, в скорбех утешителя,/ житёйскими

страстьми́ обуреваемым тихое пристанище;/ нам же, творящим честную́ память твою́,/ моли́, преподобне́ отче Серафиме,/ дарова́ти мир и ве́лию ми́лость.

Днесь лику́ют собо́ри ве́рных/ в па́мь твою́, преподобне́ Серафиме,/ и велегла́сно вопи́ют:/ты, любве́ ра́ди Христо́вы/ вся кра́сная ми́ра оста́вив/ и в пусты́ню Саро́вскую всели́вся,/ ника́коже устраши́лся еси́ невидимых враг бо́рения,/ но сия́ моли́твами твои́ми, я́ко прах, отме́тал еси́;/ те́мже Го́сподеви моли́ся/ дарова́ти ду́шам на́шим мир и ве́лию ми́лость.

Сла́ва, глас 8:

Прииди́те, ве́рных собо́ри,/ похва́льными пе́снями днесь пречу́днаго отца́ просла́вим/ и си́ще ему́ возо́пийм;/ преподобне́ отче Серафиме,/ вои́стинну сподо́бился еси́ Божество́нныя жи́зни,/ при́йм от Бо́га вене́ц нетле́нныя сла́вы,/ сего́ ра́ди оби́тель Саро́вская тобо́ю хва́лится,/ лю́дие же, чту́ще честны́я мо́щи тво́я и зря́ще чуде́са быва́емая,/ сла́вят прославля́ющаго тя Го́спода,/ Ему́же моли́ся, преподобне́,/ дарова́ти ду́шам на́шим мир и ве́лию ми́лость.

И ны́не, Богоро́дичен, глас то́йже: Царь Небе́сный:

Вход. Прокі́мен дне.

Премудро́сти Соломо́новы чтéние (главы́ 5 и 6):

Праведни́цы во ве́ки живу́т, и в Го́споде мзда́ их,/ и попече́ние их у Вы́шняго./ Сего́ ра́ди при́мут ца́рствие благоле́пия/ и вене́ц добро́ты от руки́ Госпо́дни,/ зане́ десни́цею покрýет я́ и мýщцею защити́т их./ При́мет всеору́жие рве́ние своё/ и воору́жит тварь в месть враго́м./ Облече́тся в броня́ правды/ и возложи́т шлем суд нелицеме́рен./ При́мет щит непобе́димый преподо́бие,/ поостри́т же на́прасный гнев во ору́жие,/ спобо́рет же с ним мир на безу́мныя./ По́йдут праволу́чныя стрéлы мо́лниины/ и, я́ко от благокру́гла лу́ка облако́в, на на́мерение полети́ят,/ и от каменомётныя я́рости испо́лнь паду́т гра́ды./ Вознегоду́ет на них вода́ морская́,/ ре́ки же пото́пят я́ на́гло./ Сопроти́в ста́нет им дух си́лы/ и, я́ко ви́хор, разве́ет их,/ и опустоши́т всю зе́млю беззакóние,/ и злоде́йство преврати́т престóлы си́льных./ Слы́шите у́бо, ца́рие, и разумейте́,/ навы́кните, судий конце́в земли́./ Внуши́те держа́нии мно́жества/ и

гордящихся о народах язык,/ яко дана есть от Господа держава вам/ и сила от Вышняго.

Премудрости Соломоновы чтение(глава 3):

Праведных души в руке Божией,/ и не прикоснется их мука./ Непщевани быша во очесех безумных умерети,/ и вменися озлобление исход их,/ и еже от нас шествие – сокрушение,/ они же суть в мире./ Ибо пред лицом человеческим аще и муку примут,/ упование их безсмертия исполнено./ И в мале наказани бывше, великими благодетельствовани будут,/ яко Бог искуси я и обрете их достойны Себе./ Яко злато в горниле, искуси их/ и, яко всеплодие жертвенное, прият я./ И во время посещения их возсияют/ и, яко искры по стеблию, потекут./ Судят языком и обладают людьми,/ и воцарится Господь в них во веки./ Надлежащие Нань разумеют истину/ и вернии в любви пребудут Ему,/ яко благодать и милость в преподобных Его/ и посещение во избранных Его.

Премудрости Соломоновы чтение (глава 4):

Праведник аще постигнет скончаться, в покое будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости житие нескверное./ Благоугоден Богу быв, возлюблен бысть/ и живой посреде грешник представлен бысть./ Восхищен бысть, да не злоба изменит разума его/ или лость прельстит душу его./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета долга,/ угодна бо бе Господеву душа его,/ сего ради потщася от среды лукавствия./ Людие же видевше и не разумеюще,/ ниже положше в помышлении таковое,/ яко благодать и милость в преподобных Его/ и посещение во избранных Его.

На литий стихирь, глас 1:

Кийми похвальными венцы/ венчаим подвижника великаго,/ преподобнаго Серафима?/ Той бо, яко наставник добрый,/ в твердости веры и добродетели явися,/ Богодухновенными учением и равноангельным житием/ приходящая к нему научая./ Темже вопием ему:/ молися, преподобне, Христу Богу/ Православную веру утвердити/ и душам нашим спастися.

Приидіте, інок мно́жества,/ днесь преподо́бнаго благоче́стно
восхва́лим,/ істиннаго учени́ка Спа́сова,/ мирску́ю прелесть
попра́вшаго,/ яре́м Христо́в на ра́мо взема́шаго/ и полки́ бесо́в
посрамі́вшаго./ К нему́же бозопи́йм си́це:/ не забу́ди нас, о́тче
Серафі́ме,/ восхваля́ющих и чту́щих святую́ па́мять твою́.

На стихо́вне стихи́ры, глас 5.

Радуйся, А́нгелом собесе́дниче,/ преподо́бне Серафі́ме,/ благоче́стно бо на землі пожи́в,/ мно́ги, приходя́щая к тебе́, стра́ху
Госпо́дню поуча́л еси́;/ благода́тию Пресвята́го Ду́ха озаря́емь,/ зрел еси́
бу́дущая, я́ко настоя́щая,/ и умиле́ния и ра́дости мно́ги скорба́щая душе́ю
исполня́л еси́./ Те́мже мо́лим ти ся:/ моли́ся Го́сподеви о чту́щих тя.

Стих: Честна́ пред Го́сподем/ смерть преподо́бных Егó.

Радуйся, заблуждших учи́телю предивный,/ Христа́ Го́спода во
хра́ме со Арха́нгелы и А́нгелы ви́дети сподо́бивыйся./ И ны́не,
преподо́бне,/ на Небесе́х Того́ зрéния вѣну наслажда́ясь,/ моли́ся о нас,
ве́рою творя́щих па́мять твою́.

**Стих; Блаже́н муж, боя́йся Го́спода,/ в за́поведах Егó восхо́щет
зело́.**

Радуйся, преподо́бне Серафі́ме,/ всем бо храні́те істинную ве́ру
Христо́ву запове́дал еси́,/ и, Вѣ́шняго жити́я вожде́лєв,/ бога́тство
возненави́дел еси́:/ ны́не же неизрече́нную красоту́ Небе́сную зри́ши/ и
сла́дкаго пе́ния А́нгельскаго наслажда́ешься./ Те́мже моли́ся Го́сподеви/
дарова́ти нам мир и ве́лию ми́лость.

Сла́ва, глас 6:

Преподо́бне о́тче Серафі́ме,/ кто испове́сть труды́ тво́я и боле́зни?/
Или́ кий язы́к изрече́т же́стокое пусты́нное твоё жити́е,/ бде́ние же и
поще́ние,/ ещё́ же в затво́ре пребыва́ние,/ усте́н безмо́лвие и моле́ние
непреста́нное?/ Вои́стинну яви́лся еси́ по́стником украше́ние,/ моли́твенник к Бо́гу непосты́дный./ Те́мже к тебе́ вопие́м:/ ра́дуйся,
ино́ческаго жити́я пра́вило;/ ра́дуйся, в беда́х и ско́рбех ве́лікое
утеше́ние/ и те́плый всем предста́телю./ Моли́ся, преподо́бне, спасти́ся
душа́м на́шим.

И ны́не, Богоро́дичен: Тво́рец и Изба́витель мой, Пречи́стая:

На благословѣнии хлѣбов тропарь преподобному, дважды, и Богородице .Дѣво:

Тропарь преподобнаго, глас 4:

От юности Христа возлюбил еси, блаженне,/ и, Тому Единому работати пламенно возжелев,/ непрестанною молитвою и трудом в пустыни подвизался еси,/ умиленным же сердцем любовь Христова стяжав,/ избранник возлюблен Божия Матере явился еси./ Сего ради вопиём ти:/ спасай нас молитвами твоими, Серафиме, преподобне отче наш.

На ўтрени

На Бог Господь: тропарь святаго, дважды. Слава, и ныне, Богородичен: Еже от века утаенное:

По 1-м стихословии седален, глас 4:

Знаменiem крестным и молитвою вражия искушения победив,/ постом и воздержанием Господеву благоугодил еси:/ темже чудес приял еси дар, всем исцеления подавая,/ верою притекающим к мощем твоим, Серафиме преподобне,/ моли Христа Бога грехов оставление даровати/ чтущим любовьию святую память твою.

Слава, и ныне, Богородичен:

Ужасно чудо зачатия/ и несказанен образ рождества в Тебе познася, Приснодево Чистая,/ ужасает мой ум и удивляет помышление,/ слава Твоя, Богородице, всем простресе во спасение душ наших.

По 2-м стихословии седален, глас 1:

Во глубине пустыни Саровския колена преклонял еси на камени,/ воздевая преподобней твои руки ко Господу,/ темже от Спаса благодать Святаго Духа приял еси/ страждущие телесы исцеляти и души верных просвещати./ Сего ради вопиём ти:/ моли, преподобне, Христа Бога спастися нам,/ празднующим святую память твою.

Слава, и ныне, Богородичен:

Моли́тву прие́мши от нас, в кров Твой, Пречи́стая Де́во, прибега́ющих,/ не преста́й моля́щи Человеколю́бца спасти́ся рабо́м Твои́м.

По полиеле́и седа́лсн, глас 7:

Проси́я добродете́льное жити́е твоё, преподо́бне, ны́не в Росси́йстей земли́,/ и от всех пе́сньми похва́льными сла́вишися:/ ты бо, я́ко Или́я, на колесни́цу добродете́лей вше́д,/ на Небеса́ душо́ю возлете́л еси́/ и та́мо пра́ведно пресве́тлым венце́м венча́лся еси́./ Те́мже, благода́ряще, вопие́м ти, блаже́нне Серафи́ме:/ моли́ Христа́ Бо́га грехо́в оставле́ние дарова́ти/ чту́щим любо́вию святу́ю па́мять твою́.

Сла́ва, и ны́не, Богоро́дичен:

Пречи́стая Де́во,/ поми́луй нас, прибега́ющих ве́рою к Тебе́, Милосе́рдней,/ и прося́щих те́плага Твоего́ заступле́ния:/ я́ко Ма́ти Бо́га Вы́шняго, моли́ Сы́на Твоего́, Христа́ Бо́га на́шего,/ спасти́ся рабо́м Твои́м.

Та́же степе́нна, 1-й антифо́н 4-го гласа. **Прокі́мен, глас 4: Честна́ пред Го́сподем/ смерть преподо́бных Его́.** Стих: Что́ возда́м Го́сподеви о всех, я́же воздаде́ ми? Ева́нгелие от Матфе́я, зача́ло 43.

По 50-м псалме́ стихі́ра, глас 6:

Днесь, ве́рнии, духо́вно торже́ствующе/ в наро́चितе прáзднице преподо́бнаго отца́/ и благоче́стно ра́дующеся,/ то́му те́пле возопи́ем:/ ра́дуйся, Серафи́ме блаже́нне;/ ра́дуйся, Небе́сный челове́че и земны́й Ангеле;/ ра́дуйся, мно́гих на путь спасе́ния наста́вивый;/ ра́дуйся, ве́рным похвало́ и Росси́йстей земли́ утвержде́ние./ Моли́ся о душа́х на́ших.

Кано́н Богоро́дице Пара́клисис со ирмосо́м на 6 и свято́му два кано́на на 8.

Кано́н пе́рвый, глас 6.

Песнь 1

Ирмо́с: Я́ко по су́ху, пешеше́ствовав Изра́иль/ по бе́здне стопа́ми,/ гони́теля фара́она/ ви́дя пото́пляема,/ Бо́гу победну́ю песнь по́йм, вопия́ще.

Господи, отверзи мой недостойней устне и даждь ми слово разума/
воспеть достойно память блаженного Серафима,/ ныне со Ангелы
молящегося Тебе/ избавити нас от всякого лютаго обстояния.

К Богородице великий молитвенник был еси, преподобне,/ Юже
видети со апостолы сподобился еси,/ и ныне не претай молитвами
твоими посещати чад твоих.

От юности твоея, преподобне, предался еси умом Божови и, страсти
телесныя крепким воздержанием укротив,/ всякими добродетельми
украсился еси, премудре.

Богородичен: Всеблагая Владычице,/ Яже Преплагаго Бога плотию
рождши,/ озлобленное страстьми мое сердце очисти,/ да верою и
любовию величаю Тя.

Ин канон, глас 8. Песнь 1

Ирмос: Воду прошед, яко сушу,/ и египетского зла избежав,/ израильтянин вопияше:/ Избавителю и Богу нашему поим.

По заповеди Владыки Христа узким и тесным путем вшел еси,
преподобне, в Царство Небесное,/ широкий и пространный путь
возненавидев,/ и ныне молися о нас, творящих пресветлую память твою.

От юности на безстрастия гору возшед и крест свой взял,/ не-
возвратно Христу последовал еси/ и, духовную мудрость стяжав,
Горняго Иерусалима достигл еси, преподобне,/ моли о нас Единого
Человеколюбца.

Ныне предстоя, преподобне, Престолу Божию,/ молися о стране
нашей, избавитися от нашествия иноплеменных,/ и христоролюбивым
людей земли Российския спасение испроси молитвами твоими,
преподобне.

Богородичен: С верою и любовию притекающих к Тебе/ и со
страхом поющих Тя/ молитвенный глас услыши, Владычице.

Катавасия по уставу.

Песнь 3

Ирмós: Несть свят,/ якоже Ты, Гóсподи Бóже мой,/ вознесый рог
вѣрных твоих, Блáже,/ и утвердивый нас на кáмени/ исповѣдания Твоегó.

Моли́твами твоими, преподóбне, предсто́я Бо́гу со А́нгелы,/ за весь
мир моли́ся,/ бра́ни вра́жия, потреби́ти и побѣду на супоста́ты дарова́ти.

От юности вѣрою и лю́бовию прилепи́лся еси́ Влады́це Вы́шних сил,
преподóбне Серафíме,/ и, возсия́в в пусты́ни Сарóвстей, я́ко со́лнце,/ в
скóрбех приходя́щим к тебе́ утѣшитель был еси́;/ моли́ спаст́ися нам.

Яви́лся еси́, преподóбне, моля́щимся тебе́ столп непоколеб́им/ и
прибе́жище всем притека́ющим во об́итель Сарóвскую/ и приѣмлющим
исцелѣ́ния благода́ть неоску́дную.

Богорóдичен: Услы́ша Ё́ва прамáтерь:/ в печáлех роди́ши ча́да./ Ты
же, Чíстая Дѣ́во, услы́шавши:/ Господь с Тобóю, ра́дуйся, —/ ра́дованным
гла́сом печáль прамáтере потреби́ла еси́.

Ин

Ирмós: Небѣснаго крúга Верхотворче, Гóсподи,/ и Цѣ́ркве
Зижд́ителю,/ Ты менѣ утверди́ в любви́ Твое́й,/ желáний кра́ю, вѣрных
утверждѣ́ние,/ Еди́не Человеколю́бче.

Моли́ся, блаже́нне, Христу́ Бо́гу/ изба́виться нам от гла́да и па́губы,/
от напрáсныя смѣрти, от та́йных прегрешѣ́ний и помышлѣ́ний лука́вых,/
да чíстым се́рдцем Христу́ возопи́м:/ моли́твами преподóбнаго спаси́
нас, Гóсподи.

Крóтостию и смире́нием послѣ́дуя Влады́це Христу́,/ всем вся
войстинну был еси́,/ бóгатых же и убо́гих неосла́бно благоче́стию
поуча́я,/ б́дущая, я́ко настоя́щая, прови́дел еси́./ Моли́ Христа́ Бо́га,
преподóбне, согрешѣ́ний на́ших оставлѣ́ние дарова́ти.

Изба́ви об́итель твою́, преподóбне, от вся́каго наве́та вра́жия/ и
испо́лни ю любве́ и благода́ти, е́же не помышля́ти о житѣ́йских,/ но
душеспаси́тельныя дости́гнути добрóты моли́твами твоими.

Богорóдичен: Упова́ние и наде́жда на́ша Ты еси́, Пречи́стая
Влады́чице,/ спаси́ страну́ и лю́ди Твоя́,/ моля́щиеся и и́мя Твое́
призыва́ющия.

Седáлен, глас 4:

Житéйское мóре страстéй воздержáнием препобедíв/ и в пристáнище безстра́стия прите́к,/ сосúд воздержáния яв́ился ес́и, преподо́бне Серафíме,/ моли́ Христа́ Бо́га дарова́ти нам ве́лию ми́лость.

Сла́ва и ны́не, предпра́зднства или́ Богоро́дичен:

Егда́ предста́ну пред лицéм Созда́теля моего́ в День пра́веднаго Суда́ Его́,/ тогда́, Влады́чице, предста́ни ми и му́ки изба́ви мя ве́чныя,/ да не сн́иду во ад, но да спасу́ся Твои́м, Пречи́стая Богоро́дице, заступле́нием.

Песнь 4

Ирмо́с: Христóс моя́ си́ла,/ Бог и Госпо́дь,/ честна́я Це́рковь/ боголе́пно поёт, вызы́ающи,/ от смы́сла чи́ста о Го́споде пра́зднующи.

Днесь́ свéтло пра́зднует Сарóвская оби́тель па́мять твою́, преподо́бне, и моли́т тя:/ испроси́ у Го́спода вселénней мир/ и душáм нашим ве́лию ми́лость.

Вели́кими по́двиги твои́ми, преподо́бне,/ я́ко фíникс, процвёл ес́и,/ словесы́ благоплóдными и непорóчным жити́ем сердца́ притека́ющих к тебе́ усажда́я,/ и ны́не у́бо моли́ся, да обря́щем ми́лость от Христа́, Спа́са на́шего.

Твои́ми моли́твами о нас умоли́ Бо́га, преподо́бне Серафíме,/ и грехóвный мрак печа́ли на́шея разори́,/ безстра́стием, ве́рою и любóвию украси́ всех,/ пресла́вную па́мять твою́ чту́щих.

Богоро́дичен: Ра́дуйся, Влады́чице Де́во,/ Це́рквам красото́, благочестíвым лю́дем держа́во и похвало́,/ непреста́нно моли́ся Христу́ Бо́гу,/ да сохрани́т нас от бед моли́твами Твои́ми.

Ин

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твоё́ Божество́.

Не то́кмо свята́я оби́тель Сарóвская,/ но и вся Росси́йская земля́ имéет тя, блаже́нне, моли́твенника тёплаго и ско́раго помо́щника,/ крёпкаго и непобеди́маго заступ́ника и ходата́я о душа́х на́ших.

Буди о нас молебник и ходатай ко Пресвятей Троице/ и подвигни на молитву с тобою лики святых,/ ихже житию поревновал еси, преподобне,/ с нимиже купно молися о мире и устроении всего мира,/ да тихое и безмолвное житие поживем в веке сем/ и в будущем жизнь вечную наследуем.

В постницах велик быв, преподобне,/ тесное иноческое в пустыни житие проходил еси/ и сие во умиленной молитве скончал еси./ Моли спастися нам.

Богородичен: Ты еси, Пречистая Богородице, прибежище наше и утверждение,/ моли Сына Твоего и Бога нашего/ подати нам спасение и грехов оставление.

Песнь 5

Ирмос: Божиим светом Твоим, Блаже,/ утреняющих Ти души любовью озари, молюся,/ Тя веди, Слове Божий,/ истинного Бога,/ от мрака греховнаго зывающа.

Всем приходящим к тебе был еси учитель истинный/ и к Богородице великий молитвенник,/ и ныне, преподобне, не престай моляся о чадах твоих,/ яко имаши дерзновение велие.

Да внидут ныне христоименити люди во храм обители Саровския,/ к честным мощем твоим, преподобне Серафиме, припадающе,/ и да просят от Тебе исцеления, здравия и спасения, Христа величающе.

В ночи молящу ти ся Богу, преподобне,/ враг невидимый хотяше устрашити тя,/ но, молитвою твоєю посрамлен, исчезе вселукавый.

Богородичен: Бога, Егоже родила еси, Пречистая Марие, моли рабом Твоим подати прегрешений оставление.

Ин

Ирмос: Просвети нас повелении Твоими, Господи/ и мущею Твоею высокою/ Твой мир подаждь нам,/ Человеколюбче.

Постом и непрестанною молитвою прославил еси, преподобне, обитель Саровскую,/ елеем от иконы Владычицы помазую недужныя/ и тем исцеление неоскудно подавая,/ и ныне молися спастися душам нашим.

Святителие и священницы, сорадуйтеся иноком Саровским,/ и
простии людие, вкупе воспойте блаженного отца,/ обуреваемых
скорбьми тихое пристанище,/ врача душевным и телесным недугом
скорого.

Принеси молитвы твои преподобне,/ яко жертву благоприятну и
непорочно, ко Пресвятей Троице,/ и не забуди нас, ныне творящих
память твою, милость испроси ненавидящим, обидящим и враждующим
на нас/ и избави всех от всякия скорби.

Богородичен: Управи ум мой, Владычице, обуреваемый страстьми
многими,/ спаси, Богородице, к Тебе прибегающий,/ иныя бо помощи,
Чистая, разве Тебе, не знаем.

Песнь 6

Ирмос: Житейское море,/ воздвигаемое зря напастей бурей,/ к
тихому пристанищу Твоему притек, вопию Ти:/ возведи от тли живот
мой,/ Многомилостиве.

Святая душа твоя обитель бысть Богу,/ в нейже Отец, Сын и Святой
Дух вселися,/ темже молим тя, преподобне,/ наваждения вражия от
чтущих тя отжени/ и верным людем мир и здравие даруй.

Великия твоя пустынные подвиги и труды/ и сладость учения твоего
почитаем, преподобне Серафиме,/ имиже многая приходящая к тебе
просветил еси и научил еси воспевати Единосущную Троицу.

Житием чистым последовав Владыце Христу,/ течение доброе
скончал еси, преподобне,/ к вечным же обителем возшед, блаженне,/ зриши тамо, яже Ангели видят,/ Темже, чтущие память твою, Христа
величаем.

Богородичен: Ныне к Тебе прибегаю, Пречистая,/ спаси мя
молитвами Твоими и соблюди:/ елика бо хощеши, можеш, яко Мати
Всемоущаго.

Ин

Ирмос: Молитву пролию ко Господу/ и Тому возведу печали моя,/ яко
зол душа моя исполнися/ и живот мой аду приближася,/ и молюся,
яко Иона:/ от тли, Боже, возведи мя.

Грехѡв испѡлнени вси есмѣ,/ твоѧ же молѣтвы, преподѡбне Серафѣме, ѧко кадѣло благовѡнно, ко Гѡсподеви восхѡдят./ Нѣне мѡлим тя:/ волнующееся в землѣ наѣшей мѡре злѡго невѣрія изсушѣ/ и спасѣние душѧм наѣшим от Гѡспода испросѣ.

Блажѣн воѣстинну был есѣ, преподѡбне Серафѣме,/ нищетою богѧтство и плѧчем рѧдость стяжѧв,/ юже приходѧщим обѣльно подавѧл есѣ,/ и нѣне лучѣ чудѣс источѧеши/ и исцѣлѧеши всех, с вѣрою к тебѣ притекѧющих.

В пустѣни кладенец ископѧв твоѣма рукѧма, преподѡбне,/ приходѧщия жѧждущия лѣуди напоѣл есѣ,/ и нѣне мнѡгим недѣжным водою кладенцѧ сего болѣзни исцѣлѧеши;/ воѣстинну дѣвнаго молѣтвенника и чудотвѡрца всем, преподѡбне, Владѣка тя показѧ.

Богорѡдичен: Воѣстинну Тя, Мѧтерь Бѡжию, исповѣдуем, ѣстинную Богорѡдицу:/ Твоѣм бо Рождествѡм тлѣннаго осуждѣния избѧвихомся,/ милосѣрдия рѧди Человеколѣбца Бѡга,/ и к жѣзни нетлѣнной воззвѧни бѣхом.

Кондѧк, глас 2:

Мѣра красотѣ и ѧже в нем тлѣнная оставив, преподѡбне,/ в Сарѡвскую обѣтель вселѣлся есѣ/ и, тѧмо ѧнгельски пожѣв,/ мнѡгим путь был есѣ ко спасѣнию,/ сего рѧди и Христѡс тебѣ, ѡтче Серафѣме, прослѧви/ и дѧром исцелѣний и чудѣс обогатѣ./ Тѣмже вопѣем ти:/ рѧдуйся, Серафѣме, преподѡбне ѡтче наш.

Ўкос:

Оставив род и дрѣги,/ богѧтство, ѧко прах, вменѣв,/ в пустѣни Сарѡвстей водворѣлся есѣ/ и, на стрѧсти, ѧко безплѡтен, подвижѧвся, Ѡнгелов ликостѡяния сподѡбился есѣ./ Тѣмже духовная разумѣния приѣм,/ подѧждь и нам, преподѡбне, разумно пѣсньми воспѣти тя, сѣце глаголющим:/ рѧдуйся, Серафѣме блажѣнне, Небѣсный человекѣ и земный Ѡнгеле;/ рѧдуйся, в любви Христѣ подражѧтелю;/ рѧдуйся, Святѡго Дѣха обѣтель;/ рѧдуйся, унывѧющим вѣлие рѧдование;/ рѧдуйся, истѡчнице исцелѣний;/ рѧдуйся, скорбѧщим душѧм слѧдкое утѣшѣние;/ рѧдуйся, ѣноком тихое пристѧнище и учѣтелю премѣдрый;/ рѧдуйся, похвалѡ землѣ Россѣйския;/ рѧдуйся, Серафѣме, преподѡбне ѡтче наш.

Песнь 7

Ирмós: Росодáтельну ўбо пещь/ содéла А́нгел/ преподóбным отроко́м,/ халде́й же опаляющее/ велéние Бóжие мучи́теля увещá вопи́ти:/ благословéн еси́, Бóже отéц нáших.

Чúдно житиé твоé яви́ся, преподóбне,/ благодáтию Божéственного Дúха испóлнено,/ блажéнну вои́стинну конч́ину преподóбных при́ял еси́, о Христé ра́дуясь./ Мы же к прослáвльшему тя взы́ваем:/ отéц нáших Бóже, благословéн еси́.

Мно́жество людéй, во святúю оби́тель сошéдшеся днесь, преподóбне Сераф́име,/ честнýм мощéм тво́им поклáняется,/ от н́ихже исцелéния вси почерпáем, непрестáнно зовýще;/ отéц нáших Бóже, благословéн еси́.

Во всю зéмлю изы́де вещáние сиé,/ я́ко в Сарóве чудотвóрец преслáвен яви́ся,/ исцелéний мно́жество источáя всем, с вéрою приходя́щим и вопи́ющим:/ отéц нáших Бóже, благословéн еси́.

Богорóдичен: Богорóдице Дéво,/ рóждшая Слóво пáче слóва, Зижди́теля Твоегó,/ Тогó моли́ с преподóбным Сераф́имом поми́ловати дúши нáша.

Ин

Ирмós: От Иудéи дошéдше, óтроцы/ в Вавилóне иногдá/ вéрою Трóйческою пла́мень пéщный попрáша, пою́ще:/ отцéв Бóже, благословéн еси́.

Поми́луй нас, Гóсподи,/ и от всякаго зла душетлéннаго сохрани́ моли́твами угóдника Твоегó, преподóбнаго Сераф́има,/ да вси умíльно вопи́ем Ти:/ отéц нáших Бóже, благословéн еси́.

Кто не почуди́тся, кто не прослáвит неизслéдимую глубинú милосéрдия Твоегó, Гóсподи,/ я́ко яви́л еси́ все́му мíру угóдника Твоегó, преподóбнаго Сераф́има,/ моли́твенника тéплаго о нас, вопи́ющих Тебé:/ отéц нáших Бóже, благословéн еси́.

Благодáрное сиé пéние, от нас приносíмое тебé, преподóбне Сераф́име, приими́/ и всем нам, прáзднующим святúю пáмять твою́/ и поклóняющимся мощéм тво́им, исцелéние дáруй, вопи́ющим:/ отéц нáших Бóже, благословéн еси́.

Богорóдичен: Ты еси́, Пресвята́я Богорóдице, прибёжище наше и утверждéние,/ моли́ Сы́на Твоего́ и Бо́га нашего/ подáти нам спасéние и грехóв оставлéние.

Песнь 8

Ирмóс: Из пла́мене преподóбным рóсу источи́л еси́/ и праведного жéртву водо́ю попали́л еси́:/вся бо твори́ши, Христé, то́кмо éже хотéти./ Тя превозно́сим во вся вéки.

Плотскія стра́сти укротíв и мíрови умертвívся,/ глаго́лы жи́зни вéчныя сёрдцем твои́м, блаже́нне, прия́л еси́,/ науча́я всех, к тебé притека́вших, взыва́ти:/ Го́спода по́йте, дела́, и превозно́сите Его́ во вéки.

В прославлéнии честныхъ мо́щей твоихъ, преподóбне,/ обите́ль Сарóвская ра́дости испо́лнися./ Лю́дие же вси дíвному во святыхъ Свои́х Бо́гу взыва́ху:/ Го́спода по́йте, дела́, и превозно́сите Его́ во вéки.

Благода́тию Божéственного Ду́ха испо́лнен сый, преподóбне Серафíме,/ вёрным лю́дем, творя́щим святую́ па́мять твою́,/ моли́твами твои́ми испроси́ грехóв прощéние, вопи́ющим:/ дéти, благослови́те, священ́ницы, воспóйте,/ лю́дие, превозно́сите Го́спода во вéки.

Богорóдичен: Спасéния Ходáтаица нам яви́лася еси́, Богорóдице,/ рóждшая Спа́са и Влады́ку всех,/ тёмже мо́лим Тя:/ спасéния сподóби всех, песнослóвлящих Тя вёрно во вся вéки.

Ин

Ирмóс: Царя́ Небéснаго,/ Его́же пою́т вои́ Ангельстии,/ хвали́те и превозно́сите во вся вéки.

Добродéтельному жити́ю твоёму́, преподóбне, позавíдев, враг вселука́вый/ восхотé запы́тие тебé сотвори́ти,/ ты же, благода́тию Бо́жиею и моли́твами Влады́чицы посрамíв того́,/ Бо́га просла́вил еси́, песнослóвля:/ Го́спода по́йте, дела́, и превозно́сите Его́ во вéки.

Я́ко мо́лния, блиста́ющися, свéтится на поднебéсней,/ та́ко и вещания о твоихъ, преподóбне, чудесéх во всю зéмлю изыдо́ша./ Мы же, дивя́щися сла́ве твоёй, вопи́ем:/ дéти, благослови́те, священ́ницы, воспóйте,/ лю́дие, превозно́сите Го́спода во вéки.

Суетными и страстными помышлѣнии мятущийся ум наш исцели,
преподобне,/ волны злаго нечестия укроти,/ разслабленная житѣйскими
попечѣнии сердца наша укрепи,/ да славим Христа Содетеля во вся вѣки.

Богородичен: Радуйся, престолу Господень огнезračный;/ радуйся,
зарѣ невестственнаго блистания;/ радуйся, облаче возсиявшаго Солнца
предивнаго, Христа Спаса нашего,/ Егѡже превозносим во вся вѣки.

Песнь 9

Ирмос: Бога человеком невозможно видети,/ на Негоже не смѣют
чїни Ангельстїи взирати,/ Тобою же, Всечїстая, явїся человеком/
Слово воплощенно, Егѡже величающе,/ с Небесными вои Тя ублажаем.

Недостѡйными усты воспѣваемое тебѣ малое хвалѣние наше,
преподобне, не презри, но прими и всех, прославляющих тя, освяти,
бед, и напастей, и вѣчнаго мучѣния избави,/ да тя прїсно воспѣваем.

Мразь нощный и варъ дневный во уединѣнии пустыннем доблественне
претерпѣв,/ дом Премудрости Божїя был еси/ и к сиянїю невечернему
востѣкл еси./ Моли спасти нас.

Славится днесь обитель,/ в нейже ярѣм Христов прїяти изволил
еси:/ тамо бо, в пустыни, дни твои пребыл еси/ и, твоими учѣньми многи
приходящїя к тебѣ вразумив,/ научил еси быти чада Цѣркве Христовы.

Богородичен: Ты еси крепость наша,/ Ты еси похвала и радование,
Хранительница наша, заступлѣние,/ прибежище и Предстательница
непобѣдимая,/ Пречїстая Богородице, спаси рабы Твоя.

Ин

Ирмос: Воистинну Богородицу,/ Тя исповѣдуем,/ спасѣнїи Тобою,
Дѣво Чїстая,/ с Безплѡтными лики Тя величающее.

Великим отцем, древле в постѣ и подвизах просиявшим, поревновав,
преподобне,/ чрез вся дни живота твоего в молитве, слезах и трудѣх
пребыл еси,/ дондеже достигл еси Небесныя обители,/ темже ты достѡйно
ублажаем.

Крепкою силою Христос Бог тя препояса и укрепи побеждати козни
демонскїя, подобне./ Темже нынѣ молим тя:/ моли Человеколюбца

Бо́га,/ да изба́вит всех нас от вра́жиих нахожде́ний и искуше́ний и спасе́т ду́ши на́ша.

В боле́знях и ско́рбех на́ших к тебе́, преподо́бне, прибега́ем/ и из глубины́ душе́вныя вопи́ем:/ бу́ди нам небу́рное приста́нище и боле́знем ско́рый це́литель/ и изба́ви нас от вся́каго неду́га и ну́жды,/ да ты непреста́нно велича́ем.

Богоро́дичен: Еди́наго от Святы́я Тро́ицы, Сло́ва и Сы́на родила́ еси́, Де́во Пречи́стая,/ Егóже с преподо́бными и пра́ведными моли́ о рабе́х Твои́х,/ ве́рою прося́щих грехо́в прощ́ения.

Свети́лен.

Прииди́те, вси ве́рнии,/ свяще́нными пе́снями восхва́лим дивна́го в чуде́сах преподо́бного Серафíма,/ но́ваго свети́льника Росси́йския земли́,/ А́нгелом собесе́дника и те́плага моли́твенника к Бо́гу/ о чту́щих святу́ю па́мять егó.

Сла́ва, и ны́не, предпра́зднства или Богоро́дичен:

По Бо́зе упова́ние иму́ще на Тя, Пречи́стая Богоро́дице,/ мо́лим Ти ся:/ Ро́ждшагося из Тебе́ умоли́ дарова́ти мир вселе́нней и ве́лию ми́лость.

На хвали́тех стихи́ры преподо́бному на 4, глас 8:

Приспе́ всечестны́й пра́здник оби́тели Сара́вския,/ па́мьть преподо́бнаго Серафíма,/ ему́же ны́не си́це возопи́ем:/ ра́дуйся, по́стником свети́ло и утвержде́ние,/ и́ноком звездó, я́коже волхво́м,/ показу́ющая путь в Небе́сныя оби́тели,/ свяще́нником похвало́ пресла́вная,/ любве́ и целому́дрия исто́чнице неизсяка́емый,/ свети́льнице пресве́тлый духо́внаго рассу́ждения;/ ра́дуйся, пра́вило добродете́лем вели́кое.

Блаже́нне о́тче Серафíме,/ Христо́ви вои́стинну после́довал еси́,/ братолю́бием и незло́бием всех к себе́ привлека́я,/ крóтостию же и смире́нием/ мно́ги добродете́льному пу́ти науча́я./ Те́мже любóвию па́мьть твою́,/ преподо́бне Серафíме, ублажа́ем.

В пу́стыню всели́лся еси́, преподо́бне,/ и, та́мо испо́лнися духо́вныя прему́дрости,/ на высоту́ добродете́ли возше́л еси́./ Те́мже вопи́ем ти:/

ра́дуйся, церко́вное украше́ние,/ священником до́брое утеше́ние,/ ино́ком благоле́пие и похвало́,/ Серафи́ме блаже́нне,/ моли́ Христа́ Бо́га мир вселе́нней дарова́ти/ и душа́м на́шим ве́лию ми́лость.

Сла́ва, глас 6:

Прииди́те, ино́ков собо́ри и по́стников сосло́вие,/ прииди́те, христоимени́тых люде́й мно́жества,/ пе́снями и́стиннаго по́стника почти́м, вопи́юще:/ ра́дуйся, по стопа́м Влады́ки Христа́ у́зким путе́м управляе́мый,/ и притека́ющим к тебе́ в беда́х и ско́рбех ско́рый помо́щниче,/ и спасе́ния ходатаю́ предивный./ Ра́дуйся, да́ром проро́чества укра́шенный,/ прорица́й, я́ко настоя́щая, гряду́щая,/ моли́ся, преподо́бне Серафи́ме,/ о чту́щих ве́рою и любо́вию святу́ю па́мять твою́.

И ны́не, Богоро́дичен:

Богоро́дице, Ты еси́ лоза́ и́стинная,/ возрасти́вшая нам Плод Живота́,/ Тебе́ мо́лимся:/ моли́ся, Влады́чице, со святы́ми апо́столы/ поми́ловати ду́ши на́ша.

Славосло́вие вели́кое и отпу́ст.

На литургии

Блаже́нны от канона́ пе́рваго песнь 3-я и второ́го канона́ песнь 6-я. Прокі́мен, глас 7: Честна́ пред Го́сподем/ смерть преподо́бных Его́. Стих: Что́ возда́м Го́сподеви о всех, я́же воздаде́ ми? Апо́стол к Гала́том, зача́ло 213. Ева́нгелие от Луки́, зача́ло 24 или́ от Матфе́я, зача́ло 10. Прича́стен: В па́мять ве́чную:

Молитва

О пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от Тебе тощ и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явился. Егда же призвал тя Бог от земных трудов к Небесному упокоению, николиже любви твоя престала от нас, и невозможно есть исчислити чудеса твоя, умножившаяся, яко звезды небесныя: се бо по всем концем земли наша людем Божиим являешия и даруеши им исцеления. Темже и мы вопием ти: о претихий и краткий угодниче Божий, дерзновенный к Немю молитвенниче, николиже призывающия тя отревавай! Вознеси о нас благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сиявши славе, и тамо воспевати со всеми святыми Живоначальную Троицу во веки веков. Аминь.